



Broj: 05-1389-17/15
Sarajevo, 22. 05. 2015. godine

Na temelju člana 69. stav (2) tačka d), člana 70. st. 1., 4. i 6. Zakona o javnim nabavkama („Službeni glasnik BiH“, broj 39/14), člana 22. Statuta Agencije za bankarstvo Federacije BiH („Službene novine Federacije BiH“), broj 42/04), na preporuku Komisije za provođenje postupka nabavke mrežne infrastrukture i uređaja za električno neprekidno napajanje broj: 05-1389-16 od 21. 05. 2015. godine, direktor Agencije za bankarstvo Federacije BiH (u nastavku: Agencija) donosi

O D L U K U

I.

Usvaja se žalba ponuđača “Albat” d.o.o Sarajevo na Odluku o izboru najpovoljnijeg ponuđača, u postupku konkurentskog zahtjeva za dostavu ponuda za nabavku mrežne infrastrukture i uređaja za neprekidno električno napajanje za potrebe Agencije za bankarstvo Federacije BiH broj: 05-1389-12/15 od 14. 05. 2015. godine, po obavještenju o nabavci objavljenom na Portalu javnih nabavki 23. 04. 2015. godine pod brojem: 3010-7-1-4-3-5/15.

II.

Poništava se postupak javne nabavke mrežne infrastrukture i uređaja za neprekidno električno napajanje za potrebe Agencije za bankarstvo Federacije BiH, pokrenut po Odluci o pokretanju postupka javne nabavke broj: 05-1389/15 od 15. 04. 2015. godine, iz razloga što nijedna od primljenih ponuda nije prihvatljiva – član 69. stav (2) tačka d) Zakona o javnim nabavkama.

III.

Ovom Odlukom stavlja se van snage Odluka o izboru najpovoljnijeg ponuđača broj: 05-1389-12/15 od 14. 05. 2015. godine, u postupku konkurentskog zahtjeva za dostavu ponuda za nabavku mrežne infrastrukture i uređaja za neprekidno električno napajanje: evidencijiski broj nabavke: 05-1389/15.

IV.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, a objavit će se na web-stranici Agencije: www.fba.ba, istovremeno s upućivanjem ponuđačima koji su učestvovali u postupku javne nabavke, u skladu sa članovima 70. i 71. Zakona o javnim nabavkama.

Obrazloženje

Agencija za bankarstvo Federacije BiH pokrenula je postupak javne nabavke mrežne infrastrukture i uređaja za neprekidno električno napajanje, po Odluci o pokretanju postupka javne nabavke broj: 05-1389/15 od 15. 04. 2015. godine. Javna nabavka je provedena putem konkurentskog zahtjeva za dostavu ponuda, a procijenjena vrijednost javne nabavke bez PDV-a je 40.000,00 KM. Obavijest o nabavci objavljena je na Portalu javnih nabavki dana 23. 04. 2015. godine pod brojem: 3010-7-1-4-3-5/15.

Zahtjev za dostavu ponuda proslijeđen je sljedećim ponuđačima (istovremeno sa slanjem obavještenja o nabavci na Portal javnih nabavki):

- 1) "Asbis" d.o.o. Sarajevo
- 2) "QSS" d.o.o. Sarajevo
- 3) "SK Tradeing" d.o.o. Sarajevo i
- 4) "Fiber net BH" d.o.o. Zenica

Na osnovu uvida u raspoloživu dokumentaciju komisija je konstatovala da su ponude po ovom predmetu nabavke podnijeli društva „QSS“ d.o.o. Sarajevo, „SKTRADEING“ d.o.o. Sarajevo, „FIBERNET BH“ d.o.o. Zenica, „ENERGOINVEST SUE“ d.d. Sarajevo, „EDING TELECOM“ d.o.o. Sarajevo i „ALBAT“ d.o.o. Sarajevo.

Komisija za provođenje predmetnog postupka donijela je jednoglasnu odluku kojom se ponuđač „SK Tradeing“ d.o.o. Sarajevo preporučava kao najpovoljniji ponuđač u predmetnom postupku nabave, vodeći se kriterijom najniže cijene tehnički zadovoljavajuće ponude.

Na osnovu Preporuke Komisije (Zapisnik o pregledu i ocjeni ponuda, broj 05-1389-11/15 od 08.05.2015. godine) direktor Agencije je donio Odluku o izboru najpovoljnijeg ponuđača, broj 05-1389-12/15 od 14.05.2015. godine.

Navedena Odluka je objavljena na web-stranici Agencije, istovremeno s upućivanjem ponuđačima koji su sudjelovali u postupku javne nabave, saglasno članu 70. člana stav (6) Zakona.

Na osnovu donesene Odluke od 14.05.2015. godine, društvo „ALBAT“ d.o.o. Sarajevo, dana 15.05.2015. godine, zatražilo je uvid u ponude i dokumentaciju vrednovanja ponuda ponuđača što mu je, saglasno članu 11. stav (5) Zakona o javnim nabavkama, omogućeno u roku od dva dana od dana zaprimanja zahtjeva, donesenim Rješenjem Agencije o odobravanju pristupa informacijama broj: 05-1389-13/15 od 18.05.2015. godine.

Uvid u dokumentaciju izvršen je dana 19.05.2015. godine u poslovnim prostorijama Agencije, pod nadzorom službenih osoba institucije, nadležnih za provođenje ovog postupka nabave i predstavnika društva „ALBAT“ d.o.o. Sarajevo.

Društvo „ALBAT“ d.o.o. Sarajevo je nakon obavljenog uvida izjavilo žalbu na obavijest o izboru najpovoljnijeg ponuđača (broj 0686-UPT-030-DM-15-UL od 19.05.2015. godine) u kojoj se ulaže prigovor na nedostatke u ponudi društva "SK Tradeing" d.o.o. Sarajevo, kao odabranog – najpovoljnijeg ponuđača po ovom postupku.

Na osnovu uložene žalbe Agencija je utvrdila da je ista blagovremena, dopuštena i izjavljena od ovlaštenog lica, te da je ista osnovana.

Prema navodima žalioaca navedeni - odabrani ponuđač nije dostavio:

- a) tehnička uputstva za upotrebu i održavanje opreme koja moraju biti napisana na jednom od službenih jezika u BiH (član 4. tačka (i) tenderske dokumentacije): ponuđač dostavio Izjavu da će traženu dokumentaciju naknadno dostaviti ukoliko bude izabran kao najpovoljniji ponuđač;
- b) atestnu dokumentaciju proizvođača (Rack 47U x 800W x 1200D), u skladu sa standardima (MAF) (član 4. tačka (k) tenderske dokumentacije): ponuđač dostavio Izjavu da spomenuti ormar zadovoljava tražene standarde.

U cilju ocjene osnovanosti žalbe uložene od strane društva "ALBAT" d.o.o. Sarajevo direktor Agencije donio je Odluku o formiranju nove komisije za predmetnu javnu nabavku, kako bi ista izvršila ponovni pregled i ocjenu ponuda po ovom postupku nabavke, odnosno ponovno sagledala svu raspoloživu dokumentaciju prema članu 4. Tenderske dokumentacije.

Slijedom navedenog, komisija je ponovno izvršila uvid u tendersku dokumentaciju i dostavljene ponude po ovom postupku, te utvrdila slijedeće:

1. Društvo "ENERGOINVEST SUE" d.d. Sarajevo nije ispunilo sve uvjete tražene tenderskom dokumentacijom (u nastavku: TD), tačnije nije dostavilo/priložilo izjavu da je ostvarilo ukupan promet u zadnje 2 (dvije) godine u dvostrukom iznosu procijenjene vrijednosti nabave koja je predmet ugovora, koja se ovjerava se kod nadležnog organa, te nije dostavilo jasna tehnička uputstva na jednom od službenih jezika u BiH vezano za tehničku specifikaciju koja se odnosi na ormare (Rack 47U x 800W x 1200D).
2. Društvo "FIBERNET BH" d.o.o. Zenica nije ispunilo sve uvjete tražene TD, tačnije nije dostavilo/priložilo izjavu da je ostvarilo ukupan promet u zadnje 2 (dvije) godine u dvostrukom iznosu procijenjene vrijednosti nabave koja je predmet ugovora, koja se ovjerava se kod nadležnog organa. Isti ponuđač nije dostavio: pismenu izjavu o preferencijalnom tretmanu domaćeg, osiguranje tehničkih uputstava na jednom od službenih jezika u BiH, dokaz o postojanju ovlaštenog servisa za ponudenu opremu, nije navelo datum ponude, potpis i pečat ovlaštenog lica ponuđača.
3. Društvo "SK TRADEING" d.o.o. Sarajevo nije ispunilo sve uvjete tražene TD, tačnije nije dostavilo/priložilo izjavu da je ostvarilo ukupan promet u zadnje 2 (dvije) godine u dvostrukom iznosu procijenjene vrijednosti nabave koja je predmet ugovora, koja se ovjerava se kod nadležnog organa. Isti ponuđač nije osigurao tehnička uputstva napisana jednim od službenih jezika u BiH, niti atestnu dokumentaciju proizvođača (Rack 47U x 800W x 1200D), u skladu sa standardima (MAF), kao isprave koju izdaje nadležni organ ili organizacija na osnovu ispitivanja proizvoda kojim se utvrđuje je li isti ispunjava uslove u pogledu kvalitete.
4. Društvo "ALBAT" d.o.o. Sarajevo nije ispunilo sve uvjete tražene TD, s obzirom da nije dostavilo/priložilo izjavu da je ostvarilo ukupan promet u zadnje 2 (dvije) godine u dvostrukom iznosu procijenjene vrijednosti nabavke koja je predmet ugovora, koja se ovjerava kod nadležnog organa. Navedeni ponuđač nije dostavio prihvatljivu atestnu dokumentaciju proizvođača (Rack 47U x 800W x 1200D), kao ispravu koju izdaje nadležni organ ili organizacija na osnovu ispitivanja proizvoda kojim se utvrđuje je li isti ispunjava uslove u pogledu kvalitete.

Pregledom je dalje utvrđeno da dostavljena tehnička specifikacija slobodnostojećeg razvodnog ormara ne odgovara traženoj specifikaciji iz prilog 3 TD iz razloga što navedeni ormar ne

zadovoljava min. 80% perforacije i nigdje nije navedeno da je statička nosivost ormara min. 1100 kg.

5. Društvo "EDING TELECOM" d.o.o. Sarajevo nije ispunilo sve uvjete tražene TD, s obzirom da nije dostavilo/priložilo izjavu da je ostvarilo ukupan promet u zadnje 2 (dvije) godine u dvostrukom iznosu procijenjene vrijednosti nabave koja je predmet ugovora, koja se prilaže ovjerava se kod nadležnog organa. Dalje, ovaj ponuđač dostavio je neispravnu pismenu izjavu o preferencijalnom tretmanu domaćeg, te nije osigurao tehnička uputstva napisana jednim od službenih jezika u BiH, niti atestnu dokumentaciju proizvođača (Rack 47U x 800W x 1200D) u skladu sa standardima (MAF), kao ispravu koju izdaje nadležni organ ili organizacija na osnovu ispitivanja proizvoda kojim se utvrđuje je li isti ispunjava uslove u pogledu kvalitete.
6. Društvo "QSS" d.o.o. Sarajevo nije ispunilo sve uvjete tražene TD, iz razloga što nije dostavilo/priložilo izjavu da je ostvarilo ukupan promet u zadnje 2 (dvije) godine u dvostrukom iznosu procijenjene vrijednosti nabave koja je predmet ugovora, koja se ovjerava se kod nadležnog organa. Isto nije osiguralo tehnička uputstva napisana jednim od službenih jezika u BiH, te atestnu dokumentaciju proizvođača (Rack 47U x 800W x 1200D), u skladu sa standardima (MAF), kao ispravu koju izdaje nadležni organ ili organizacija na osnovu ispitivanja proizvoda kojim se utvrđuje je li isti ispunjava uslove u pogledu kvalitete.

Slijedom navedenog, komisija je u provođenju ponovnog postupka pregleda i ocjena ponuda ustanovila da nijedan od ponuđača u cijelosti ne zadovoljava tražene uvjete nadmetanja, u formalno-pravnom i suštinsko-sadržajnom smislu, te zaključila da nijedna od primljenih ponuda nije prihvatljiva za Agenciju i da ne postoje uvjeti za daljnje provođenje aktivnosti po ovom predmetu nabave čime su se, shodno članu 69. stav (2) tačka d) Zakona, stekli zakonski uslovi za poništenje postupka javne nabavke.

Cijeneći utvrđeno činjenično stanje, komisija je konstatovala da postoje uvjeti za stavljanje van snage postojeće Odluke o izboru najpovoljnijeg ponuđača broj: 05- 1389-12/15 od 14. 05. 2015. godine, te da se ista, saglasno članu 100. stav 3. Zakona, zamijeni novom odlukom o poništenju postupka nabavke.

Iz navedenih razloga, primjenom člana 69. stav (2) tačka d) Zakona, odlučeno je kao u članu 1. ovog akta.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi putem ugovornog organa, u roku od 5 (pet) dana od dana prijema ove odluke.

Dostaviti:
- svim ponuđačima
- a.a.

